

|                                                                                     |         |
|-------------------------------------------------------------------------------------|---------|
| Sier Sigismondo di Cavalli, fo proveditor sora i officii, qu. sier Nicolò . . . . . | 57.124  |
| Sier Zuan Maria Malipiero <i>el grando</i> , qu. sier Piero . . . . .               | 71.111  |
| Sier Zorzi Trivixan, fo a le Raxon vechie, qu. sier Baldisera . . . . .             | 46.133  |
| Sier Francesco Marzelo, fo di la Zonta, qu. sier Andrea . . . . .                   | 90. 92  |
| Sier Marco Balbi, qu. sier Beneto . . . . .                                         | 44.139  |
| Sier Marco Antonio Foscarini, fo proveditor a le biave, di Andrea consier . . . . . | 59.122  |
| Sier Francesco da Mula, fo di Pregadi, qu. sier Alvise . . . . .                    | 44.139  |
| Rifudò † Sier Nicolò Dolfin, fo avogador di comun. qu. sier Marco . . . . .         | 97. 72  |
| Sier Piero Navaier, fo di la Zonta, qu. sier Antonio . . . . .                      | 69.126  |
| † Sier Francesco Bernardo, fo consolo a Damasco, qu. sier Dandolo . . . . .         | 114. 68 |
| Sier Marco Antonio Contarini, fo savio a terra ferma, qu. sier Michiel . . . . .    | 65.111  |
| Sier Baldisera Contarini, fo a le Raxon vechie, qu. sier Francesco . . . . .        | 71.106  |
| Sier Francesco Barbaro, fo di Pregadi, qu. sier Antonio . . . . .                   | 44.146  |
| Sier Vido Antonio Trivixan, fo a le Raxon nove, qu. sier Marco . . . . .            | 71.107  |
| Sier Filippo Trun, fo sinico e avogador in levante, qu. sier Priamo . . . . .       | 91. 93  |
| Sier Marco Antonio Grimani, fo ai X officii, qu. sier Francesco . . . . .           | 56.129  |

Et si vene zoso di Pregadi a hore cinque di notte.

319\* *A dì 15.* La matina veneno in Collegio li do oratori di Franza, zoè lo episcopo di Baius et domino Ambruoso da Fiorenza, dicendo era venuti . . . . .

Da poi disnar fo Pregadi et fo letto *solum* una lettera :

*Da Udene, dil Luogotenente, di 11, hore 5.*

Manda una lettera auta dal capitano et comunità di Venzon, di 10, in la qual li scriveno come era venuto li uno zovene italian maridato in Salzpurch in una donna vedoa fo moier di uno cittadin di Salzpurch nominato in le lettere, qual ha ditto che la dieta era risolta et che l'Archiduca era venuto in Yspruch, et che lo episcopo di Salzpurch era a Mardelf, et che la rocha di Salzpurch si teniva per il duca di Baviera. Et che molti de li subditi et nobili di ditta città voriano star sotto il ducato di Baviera. Et che lui tien che sarà inimicitia fra loro capi. Scriveno la rabia sarà fra li cani etc.

Fu posto per li Consieri dar il possesso a Cataro de esser coadiutor de domino Trifon episcopo de li domino pre' Luca Bizantio canonico catarense, con volontà dil preditto episcopo et bolle del Pontefice di 1524 a di 8 Luio, *ut in parte*. Fu presa : 123, 11, 22.

Fu posto poi letto una supplication di sier Hiro- 320 nimo Justinian qu. sier Marin debitor di la Signoria nostra, di suspender li sui debiti l'ha a l'officio . . . *ut in supplicatione*. Fu presa : 132, 26, 9.

Fu posto per li ditti, poi letto una supplication di sier Andrea Arimondo qu. sier Simon debitor *ut supra*, di suspender li soi debiti l'ha a l'officio . . . . .

Di le poste et di Austria vene lettere, qual fono lecte :

*Di Verona, dil provedador zeneral Pexaro, di 14, hore 5 di notte.* Come dal signor Camillo Orsini non ha nulla da poi è stà retenuti li soi a Milano, pur ha summarii che li fanti italiani erano in Piemonte vien a Milano, et che li populi di Milan è mal contenti di spagnoli et che fariano ogni cosa havendo qualche favor. *Item*, ha auto lettere di Cremona di eri, per le qual ha aviso esser zonti de li 5 pezzi de artellaria di quelle erano a Milan, ch'è signal voleno bombardar il castello. Et che die- no venir altra zente di quello è in ditta città. Et come dice il nostro Capitano zeneral, se li cesarei haverano ditto castello di Cremona sarà quasi finita la impresa. *Item*, ha visto le lettere di Austria e di le preparation si fa per Italia. Scrive si mandi danari per poter compir la paga. Et li capitani corsi che è compagnia nova, li richiese esserli dati li danari per 3 zorni avanti, per aver spesa zà li soi fanti la prima paga li fo data ; *unde* bisogna danari.

*Di Cremona, di 13, hore 23, scritta al dit-*